

Radøy kommune

Saksframlegg

Saknr	Utval	Type	Dato
022/2017	Formannskapet i Radøy	PS	16.03.2017

Sakshandsamar	Arkivsaknr.:	Dokumentnr.:
Arthur Kleiveland	17/450	17/2773

Meldingar og referatsaker

Saksopplysingar:

Det vert lagt fram følgjande meldingar og referatsaker:

- Reinseanlegg Manger – orientering i møtet
- Kirkens SOS – driftsstønad
- Førebuande fellesnemnd – status (i møte)
- Verbalpunkt 2017-budsjettet – helse og omsorg - kommunalsjef Mette Fauskanger
- Orienteringar v/rådmann og ordførar

Rådmannen sitt framlegg til vedtak:

Meldingar og referatsaker vert tekne til orientering

Formannskapet i Radøy - 022/2017

FS - handsaming:

Samrådsmøte mellom formannskapet og eldrerådet og råd for menneske med nedsett funksjonsevne:

Ordføraren kalla dette for eit historisk møte og inviterte råda til å koma med innspel og forvetningar til politisk og administrasjon. Leiarane i dei to råda, Jannicke Helland i RMNF og Norvald Elvik i eldrerådet informerte om kva saker dei jobbar med og er opptekne av. Dei gav uttrykk for at råda har greie arbeidsvilkår. Formannskapet framheva dei to råda som ein viktig ressurs i sitt arbeid. Det vart drøfta korleis dei to råda kan verta betre kjend og profilert mellom innbyggjarane og brukargruppene, t.d. gjennom heimeside.

Kommunalsjef for helse og omsorg, Mette Fauskanger, orienterte om planar og sentrale oppgåver på sektoren framover. Kommunedelplan for helse og omsorg, omsorgs/velferdsteknologi, og betre rusomsorg står sentralt. Kommunalsjefen informerte også om at Radøy kommune skal i gang med pårørande-skule innan demensomsorga i løpet av året. Kommunalsjefen sa også at ho gjerne vil ha innspel og besøk av leiarane i dei to råda, Ordninga med avlastningsplassar på Velferdssenteret var også ei sakene som vart drøfta.

Kommunalsjef for helse og omsorg, Mette Fauskanger, orienterte om planar og sentrale oppgåver på

sektoren framover. Kommunedelplan for helse og omsorg, omsorgs/velferdsteknologi, og betre rusomsorg står sentralt. Kommunalsjefen informerte også om at Radøy kommune skal i gang med pårørende-skule innan demensomsorga i løpet av året. Kommunalsjefen sa også at ho gjerne vil ha innspel og besøk av leiarane i dei to råda, Ordninga med avlastningsplassar på Velferdssenteret var også ei sakene som vart drøfta.

Ordføraren inviterte til eit vidare samarbeid mellom formannskapet og råda, noko medlemmane i råda helsar velkomen. I første omgang legg ordføraren opp til eit nytt samrådsmøte i samband med budsjettprosessen til hausten.

Verbalpunkt 2017-budsjettet – helse og omsorg: Kommunalsjef for helse og omsorg gjekk dei ulike verbalpunkt knytt til helse og omsorg i 2017-budsjettet. Ho orienterte om status og svara på spørsmål, og det vart dialog rundt ulike tema. Dei tre kommunalsjefane har i dei to siste møta hatt gjennomgang av verbalpunkt knytt til sin sektor. Formannskapet Jon Askeland ønskjer ei kort løypemelding frå dei tre kommunalsjef-områda i kommunestyret.

Inkludering/integrering: Politisk nivå har bede rådmannen leggja fram sak om stønadsordning knytt til integrering og inkludering. Rådmann Jarle Landås skisserte ein modell for ei tilskotsordning, som formannskapet gav rådmannen grønt lys til å leggja fram sak om.

Reinseanlegg Manger: Rådmannen orienterte om status for eit reinseanlegg på Manger. Formannskapet ber rådmannen leggja fram eit notat og be om innspel frå byggenemnda, før saka igjen vert lagt fram for formannskap og kommunestyre.

Kirkens SOS: Formannskapet drøfta søknad kommunal støtte frå Kirkens SOS. Formannskapet gav fullmakt til å ta kontakt med Kirkens SOS for å innhenta meir informasjon og sjekka ut korleis nabokommunar handterer slike søknader. Ordføraren fekk fullmakt til å gje eit tilskot innanfor ei ramme på 5000 kroner. Ordføraren kjem tilbake med melding til formannskapet.

Førebuande fellesnemnd: Ordføraren orienterte om det vidare arbeidet i førebuande fellesnemnd for ny kommune. Han informerte at det blir felles kommunestyremøte 22. juni, som fylkesmannen kallar inn til og er møteleiar for. I forkant skal kvart av dagens kommunestyre gjera vedtak knytt til ny kommune, t.d. kva namnet skal vera på den nye kommunen. Ordføraren orienterte om komitear som skal setjast ned for å førebu ulike sider av den nye kommunen.

Formannskapet tok meldingar og referatsaker til orientering, med dei tillegg som vart sett fram i møtet.

FS - vedtak:

Meldingar og referatsaker vert tatt til orientering, med dei tillegg som vart sett fram i møtet.

Vedlegg:

Kirkens SOS - søknad om driftsstønad 2017

Kirkens SOS - årsmelding 2016

Regionrådet - klage til Politidirektoratet vedk. geografisk driftseining

Regionrådet_høyringsuttale - Nærpolitireforma_ber om møte
Utdanningsforbundet Radøy_Utfordringar
Førebuande fellesnemnd_møteprotokoll 13. og 14. februar 2017